

東華續錄

乾隆二十八

臣王先謙敬編

臣周潤
論著恭校

秋七月癸未朔諭朕躬攬萬幾勤勞宵旰宮闈內政全資 孝賢
皇后綜理 皇后上侍 聖母皇太后承歡朝夕純孝性成而治
事精詳輟重得體自妃嬪以至宮人無不奉法感恩心悅誠服十
餘年來朕之得以專心國事有餘暇以從容冊府者 皇后之助
也茲奉 皇太后懿旨皇后母儀天下猶天地之相成日月之繼
照皇帝春秋鼎盛內治需人嫺貴妃那拉氏係 皇考向日所賜
側室妃人亦端莊惠下應效法 聖祖成規卽以嫺貴妃那拉氏
繼體坤甯予心乃慰卽皇帝心有不忍亦應於皇帝四十歲大慶
之先時已過二十七月之期矣舉行吉禮嘉兒嘉婦行禮慈甯始

愜予懷也欽此朕以二十餘年伉儷之情恩深誼重遽行冊立於心實所不忍卽過二十七月於心猶以爲速但思 皇后大事上軫 聖母懷思久而彌篤歲時令節以及定省溫清朕雖率諸妃嬪及諸孫間安左右而中宮虛位必有顧之而愴然者固宜亟承慈命以慰 聖心且嬪嬙內侍掖庭之奉職待理者甚重不可散而無統至王妃命婦等皆有應行典禮久曠不舉亦於禮制未協冊立既不忍舉行可姑從權制考之明太祖淑妃李氏甯妃郭氏相繼攝六宮事國朝順治十三年冊立 皇貴妃 皇曾祖世祖章皇帝升殿命使翌日頒詔天下典至崇重今應倣效 前規冊命爛賞妃那拉氏爲皇貴妃攝六宮事於以整肅靈儀上奉聖母襄助朕躬端模範而迓休祥順成內治有厚望焉所有應行典禮大學士會同禮部內務府詳議具奏尋議恭查 皇貴妃冊

立大典王妃命婦行禮已有成例 貴妃行禮之處外廷無案可
稽但 皇貴妃攝行六宮事二十七月後卽正位中宮既統理內
政體制自宜尊崇 貴妃亦應一體行禮所有冊封禮儀應前期
一日遣官祭告 太廟 奉先殿告祭禮 上親詣舉行屆期設
鹵簿儀仗中和韶樂 上御太和殿閱冊寶大學士率節授持節
使持節使隨冊寶亭至景運門授內監 皇貴妃具禮服恭迎宜
受如儀次日 上率王以下文武官員詣 皇太后宮行禮禮畢
皇貴妃率 貴妃以下公主王妃命婦行禮 上御太和殿受
賀頒詔天下嗣後遇三大節及慶賀大典三品以上大臣官員進
箋慶賀及每歲行親蠶禮應照例舉行得旨依議冊封典禮著於
明年三月後舉行其親蠶禮俟正位中宮後該部照例奏請○戊
子吏部等部議准雲南總督張允隨奏廣西羅城縣通道鎮與貴

州古州等處苗寨接壤羅城縣所轄之賈廷等大小一十四寨從前俱係古州招撫距古州之下江營僅三十餘里地勢近黔易於約束請將見廷等七寨及所附之賈廷寨等七小寨就近隸古州管轄至因洞羅洞寨麻大蒙等四寨雖經古州招撫但離羅城之通道鎮止四五十里應歸羅城管轄其界址應從因洞左手岑董山溪頭起至寨麻之下孖得兩岔溪口止溪屬左黔溪右屬粵兩岔溪口以上右岸各寨屬粵溪口以下右岸各寨屬黔於兩岔溪口分定黔粵疆界鐫碑遵守從之○辛卯 皇九子生○壬辰訥親張廣泗奏報自五月三十日至六月十五日腊嶺卡撤黨壩甲索乃富馬奈正地諸路攻戰情形總兵買國良署總兵任舉陣亡得旨任舉深屬可惜有旨交部從優賜卹卹即買國良等畢命疆場雖屬效力之誼而朕觀之實屬不忍爲之淚下亦有旨諭部將此

旨先諭軍前將士知之又諭據經略大學士訥親等奏稱著總兵任舉統兵攻腊嶺石城親身督戰奮勇直前多所斬獲乘勝追殺致被槍傷陣亡等語任舉前在參將任內因固原兵變一案以單騎手刃亂兵解散賊黨捍禦全城安撫百姓勞蹟已有懋著故特擢用副將命往大金川軍營領兵攻勦所向克敵見已補放總兵官深望凱旋之日錄功優敘以獎殊勛孰知任舉感朕知遇奮勇捐軀深堪憫惻考之典禮以死勤事者祀之本朝特建昭忠祠用享疆場效命之臣任舉著入祠從祀所有卹典照提督例給與該部察例具奏伊子亦照提督例給卹廕襲該部前行文調取來京帶領引見至買國良等著經略大學士訥親於軍務告竣之日查明咨部一體從優賜卹○訥親又奏五月二十日抵成都次日起營六月初三日至督臣駐紮小金川美諾地方督臣初四日起卡

撤臣駐美諾初六日赴卡撒美溝軍營初九日同往腊嶺相度山勢數路皆通刮耳崖山陡箐密稠寨層層獨色爾力一梁勢向平坦賊碉皆在梁旁梁上止有木石城卡撒座若能攻克一面分兵牽制一面即可順梁而下較卡撒美溝正路甚爲得勢詢據各番咸稱下至底溝去刮耳崖亦不過數里會商督臣將哈攀龍王愷所領兩路官兵歸併腊嶺一路合之從前抽撥腊嶺兵共萬餘名仍督已到官兵攻奪木城數座賊守石城甚固屢撲未下十六日署鎮任舉奮往督催被槍陣亡督臣聞報卽日前往調度務期必破再查我兵可以進抵勒烏圖刮耳崖賊巢惟黨壩腊嶺卡撒三路今黨壩腊嶺均有重兵惟卡撒雖駐兵三千餘名除護糧分防外餘兵不敷攻勦若另調新兵緩不及事莫若就中酌量有應牽制堵禦及彈壓土司之處量留攻守餘兵悉抽併卡撒見與督臣

會商辦理再賊番因險據礮故能以少禦衆今我兵旣偪賊礮自當亦令築礮與之共險兼示以築室反耕之意賊番自必搖動已飭星速修砌總之就見在情形今秋能否告竣尙難豫定報聞又奏查各路官兵不能前進者多惟腊嶺一路雖見爲石城所阻度我兵力尙可望進取臣與督臣到營未久戰勦機宜督辦伊始且各路抽調官兵尙未到齊容臣一面辦理一面籌畫俟月餘後如果我兵已全力攻勦猶有不能速捷情形再行妥議密奏得旨卿意遲待數日一舉成功何等慶快殊未憶及朕之懸望耳及至奏到仍不過如是且聞任舉凶問不勝感惜何能慰朕耶又批張廣泗去歲奏張興之事措辭得體今任舉乃捐軀致命者也而汝等不過奏聞其事亦未詳悉殊不知輕重也又批今又有任舉之事則益成騎虎之勢若不埽穴犁庭何以慰忠臣義士之魂且恐各

番效尤後來之所費益多前旨亦謂此事成功之後瞻對或可酌量耳不可錯會○癸巳諭軍機大臣等據大學士訥親奏報大金川軍情及籌辦事宜一摺內稱賊番因險砌礮藏匿其內故能以少禦衆以逸待勞今我兵旣偏賊礮自當亦令築礮與之共險兼示以築室反耕之意且守礮無須多人更可餘出漢土官兵分布攻擊似亦因險用險之術見飭各路星速修砌遵照偏攻等語此事破閱再四不能解辦理之意自大金川用事以來賴兵卡撒久歷時日賊曾逆我頗行傷及將士自當剋期撲滅以收犁庭掃穴之功今據訥親等所奏情形似尙費經理非旦夕可以竣事但攻守異用彼之築礮以爲自守也我兵自宜決策前進奮力攻取且用以破礮之人而令效彼築礮是亦將爲株守之計耶礮不固則不足恃築礮固則徒勞衆若以此築礮之力移之攻取破彼之礮

以奪其所恃不亦可乎在訥親等或自別有籌畫而奏內尚未明
晰在朕度之或因慮及山深菁密入秋難於克捷豫爲退駐之地
耶訥親等恐未必籌及於此卽使有見及此亦非萬全之策蓋能
克其碉而守之猶屬因利乘便之義今因彼守險我亦築碉微特
勞費加倍且我兵已深入賊境地利氣候素不相習而守碉勢須
留兵多則饋運難繼少則單弱可虞賊會兇狡必狙我以持久出
我之不意浮寄孤懸客主之形既別情見勢絀反覆之慮尤深師
老財匱長此安窮不可不熟計也且將來大金川撲滅之後此地
不過仍歸之番是今勞師動衆反爲助番建碉之舉恐貽災於國
人躍冶於番部矣昨批此摺卽以爲不妥今思之一夜終非善策
不如速罷之爲宜再朕閱另摺所奏任舉等捐軀報國畢命疆場
不禁爲之淚下在伊等忠憤激發固已甘之如飴而以小醜跳梁

用伊等於危地思之殊深憫惻雖業經交部從優賜卹足慰忠魂而事後之慮彌切見在大學士訥親尙書班第內大臣傅爾丹總督張廣泗提督岳鍾琪等立營漸偏賊巢凡有進止更當因時度勢鄭重籌辦不宜徒事奮往以副朕念至所調綠旗兵丁或尙未能勁健可否另調滿洲及索倫兵之處著傳諭大學士訥親酌量一併具摺覆奏朕看大金川竟難措置設其易處則張廣泗久歷戎行之人已早成功矣今訥親雖爲經略止宜持其大綱督令張廣泗等各施謀猷以圖速奏膚功卽如健弼之策率皆不中緊要而張廣泗亦附和而無語可見彼有推諉之意矣殊添朕憂訥親不可不知也此事速行回奏並將近日情形若何奏來○甲午諭軍機大臣等訥親昨奏到軍機一摺已詳悉頒發諭旨今再四思維所云建弼之策不惟有所難行亦且深爲可慮將謂得尺守尺

得寸守寸以此爲自固之策獨不思禍機非可易成即使能成而我兵究以攻取爲事若再行前進其將又建一碁耶向後屢進不已策將安出且調集大兵本以制勝今不用以克敵而用以建碁必非所願以朕度之此旨未到之先勢將中止儻其意在必成究屬徒勞無益朕見此摺卽不以爲然及問在京大臣等皆見以爲不可朕意張賢泗老於戎行豈其不知而亦隨聲附和在張賢泗未必不自謂任事經年未著成效今既有經略肩茲鉅任發謀決策經略裁之是非得失亦經略當之而彼得袖手旁觀遂其推諉之計如此則所繫更大矣訥親不可不知此意且朕命經略前往原以總挈大綱在朕坐籌遙度於京師不如令可信之大臣親履行間察衆人之情就目前之勢相機指示據實入告尤爲親切此朕命訥親前往之本意也至宣猷效用仍當委之張賢泗等使各

盡其長即使朕親行亦不過指揮調度而所用自在羣策羣力從來耕當問奴織當問婢若論用兵熟練朕必不肯謂訥親優於張廣泗卽訥親亦必能知此要之經略統領全軍衆人之謀皆其謀衆人之力皆其力豈必出自己見方爲己功耶而朕更有深慮者大兵聚久變患易生在固原平居無事之時尙有一夫夜呼倉卒四起之變何況軍中親信僅百數十人此外皆調發客兵及蠻司士卒本非世受深恩爲我心膂浮寄孤懸孰無室家鄉里之戀而勞役不已奏凱無期版築方殷鋒銳莫展肘腋之慮良可寒心在部曲士旅固不可不鼓其勇氣而鋒鏑之下人孰甘心驅之太迫變計生焉儻有不測豈不重貽西顧憂耶此所爲反復以思而食不甘味寢不安席凡思慮所及不得不備細告之訥親使備知也金川之役本不容中止況任舉之變失我大帥如其置之不問

何以慰彼忠。雪我衆憤但忿兵亦將略所忌自宜因時度勢以爲進止儼險地必不可爭或別有出奇制勝之善策如古所稱用閒用術或縱甘言或懸重購使彼有內潰之機然後可乘其敝從前王柔亦謂蠻夷可以利動且彼醜類無多不惜厚費或可坐縛酋首此亦無聊之思耳近日郭萬里亦有當用反閒之說儼其言有可探豈不較冒險乘危輕進取輟者爲優耶又王柔何時到軍前可曾建白及此可就近咨詢溽暑炎蒸瘴癘毒作暴露日久無刻不勞軫念大學士起居慎自愛護並傳諭軍中諸大臣將弁其各慎重此旨尙宜斟酌可令張廣泗知者一並諭令知之○乙未諭軍機大臣等近據訥親所奏金川軍務情形朕詳爲審度見在將弁同心士卒效命而奇險難攻天時暑雨似非一時所能就緒目今大兵已深入賊境設令膚功不能立奏經秋涉冬彼地洄寒

難駐又不得不暫營平暖之處相時再舉深慮久戍之卒一聞散
散勢必心渙狡寇從而躡其後大有可慮若將來必至退守則移
駐何處並如何撤回之處亦當豫爲籌度萬全且大兵調集遠來
前瞻對之役既經三載其附近土司供應夫役亦已數年運餉從
征更多擾累近聞蜀有州縣派夫徵餉苦累農民已傳諭尙書班
第令其往來查察訥親可卽速令其前往並飭巡撫紀山速爲查
辦內地如此土司可知恐其積勞懷怨煽動生心而我軍孤懸賊
境非內地聲援聯絡可比深爲可慮可傳諭訥親張廣泗體悉此
意處處刻刻留心密切豫防再朕命訥親前往原以總領大綱觀
察情狀督率調度張廣泗川省封疆大帥且統領全營二年于役
凡軍務責成專惟張廣泗是奇今歷練戎行嫻熟軍旅孰有過於
張廣泗者伊等竭誠協力經畫機宜不可因大學士在營稍有推

讓之心或存彼此之見見今各路兵勢若何古之用兵制勝者曰
觀釁曰攻瑕賊衆所短何在何處有隙可乘訥親張廣泗在營當
有成算可詳悉奏聞○戊戌德沛因病解任調達爾黨阿爲吏部
尙書以盛安爲刑部尙書山左都御史遷○己亥飭八旗前鋒護軍訓練
雲梯兵○辛丑諭米穀爲民生食用所必需朕夙夜籌維一切農
田水利無不申諭有司加意經理又蠲免米豆稅銀數至鉅萬所
以爲百姓謀朝夕者纖細具備而適年以來各省米價不見其減
而日見其增反復推究莫知致此之由常平積貯所以備不虞而
衆論頗以爲採買過多米價益昂因思生穀止有此數聚之官者
太多則留之民者必少固亦理勢之自然溯查康熙雍正年間各
省平常已有定額朕以儲積爲要故准臣工奏請以捐監穀石增
入常平額雖益倉儲實饑民食朕既知初意之失不可不爲改絃

之圖直省常平貯穀之數應悉準康熙雍正年間舊額其加貯者以次出糶至原額而止成鄰省原額不足卽就近撥運補足所需運價照例報銷其如何彼此撥運並查定原額存糶之法著大學士會同該部悉心查明妥議具奏○以富德爲左副都御史

由太僕寺

○癸卯諭軍機大臣等阿里袞奏東省連年饑饉窮民艱於口食共謀搶奪多係無知誤犯援照乾隆五年前撫朱定元請減災黎誤犯案內分別流徒枷責發落之例辦理等語窮民遭遇災傷撫綏賑恤不惜多費帑金倉穀原以養其良心使不流爲匪類以期安靖地方在災黎平日果屬良善必不起意爲非乃明知國家有賑恤之恩而以饑饉難忍爲由仍復肆行搶劫若不嚴行懲究將來必至羣起效尤此例起於朱定元乃姑息之尤伊在東撫任內一切辦理未妥何足爲法試思伊當時僅莒州郯城二案今已

有五十二案未必非扒搶例竄有以啟奸匪倖免之念以致盜風愈熾竄縱滋弊已可槩見況東省負山瀕海非旱則潦屢次偏災而民情兇悍亦易於爲盜據該撫奏報今年已有數處被水者當此積歉之餘收成又減分數正須時時留心籌畫若再將搶奪案件從寬辦理奸民肆無忌憚何所底止阿里衮所奏大槩不過爲地方處分起見所見甚小且於該省情形未協著傳諭阿里衮見在所辦各案俱著照伊應得之罪按律分別定擬不得槩援饑民扒搶之例率請減等上年東省重災若非特派高斌劉統勳等前往協助恐阿里衮一人辦理周章未必能如此安帖見在被水州縣近日情形若何將來作何辦理朕心甚爲軫念著傳諭阿里衮時刻留心加意妥協辦理以安撫災黎弭輯奸盜不得稍有忽略

○諭據張廣泗將總兵馬良柱解送劄京朕命軍機大臣問伊軍